

REGISTRACIJA, KREIRANJE KORISNIČKOG RAČUNA I PRIJAVA NA SISTEM

Da biste izvršili prijavu na konkurs potrebno je da:

1. Podnesete zahtjev za registracijom korisničkog računa i izvršite verifikaciju email adrese
2. Osoblje Odjela za imenovanje i napredovanje izvrši provjeru podataka i odobri Vaš zahtjev za registraciju korisničkog računa nakon čega putem elektronske pošte dobijate link neophodan za kreiranje korisničkog računa
3. Kreirate korisnički račun
4. Izvršite prijavu na MOA sistem, kreirate, popunite i prosljedite prijavu na konkurs

Koraci od 1. do 3. se provode samo jednom i možete ih provesti neovisno o tome da li postoji aktivan konkurs za pozicije u pravosuđu. Korak 2. provodi Odjel za imenovanja i napredovanje radnim danima u periodu od 8 do 16 sati.

Korak 4, odnosno prijavu na sistem, popunjavanje i slanje prijave na konkurs je potrebno izvršiti za svaki konkurs na koji se prijavljujete. Preduslov je da ste bilo kada prethodno završili korake 1. do 3. i sa vašim korisničkim računom izvršili prijavu na MOA sistem. Popunjavanje i slanje prijave na konkurs potrebno je izvršiti unutar perioda u kojem je konkurs otvoren za prijave.

Korak 1 : Podnošenje zahtjeva za registraciju korisničkog računa i verifikacija email adrese

Podnošenjem zahtjeva za registraciju korisničkog računa dostavljate tražene podatke i dokument osoblju Odjela za imenovanje i napredovanje koje će izvršiti provjeru i odobravanje zahtjeva.

Podnošenje zahtjeva za registraciju možete izvršiti putem linka <https://moa.pravosudje.ba/hrmis-moa-web/register>.

The screenshot shows a registration form with the following fields and elements:

- Title: **Registruj se** (Sva polja su obavezna)
- Section: **Lični podaci:**
- Fields: **Ime**, **Prezime**, **Jmbg**, **Broj telefona**, **Email**, **Adresna rang**
- Buttons: **DODAJ UVERENJE O DRŽAVNOSTI** (highlighted in blue), **PODNESE**
- Text: **Dokument je obavezan**

Potrebno je da obratite pažnju i u zahtjevu za registraciju ispravno navedete podatak o email adresi i da ovoj email adresi imate neometan pristup. Ovo je vrlo značajno jer će ova email adresa biti korištena za dalju komunikaciju između vas i MOA sistema, kako u nastavku procesa registracije, tako i u narednim koracima kreiranja korisničkog računa i prijave na sistem.

Neposredno nakon što popunite formu za registraciju i pritisnete dugmić PODNESI sistem će automatski generisati email poruku i uputiti je na email adresu koju ste prethodno naveli. Ovaj email označen je kao verifikacijski email i njegova svrha je provjera ispravnost vaše email adrese.

Neophodan korak za nastavak procesa registracije jeste da provjerite da li ste dobili verifikacijski email i da putem odgovarajućeg linka sadržanog u verifikacijskom emailu potvrdite da želite nastaviti proces registracije.

Verifikacijski email će sadržavati i verifikacijski kod (token) koji je potrebno prekopirati na ekran koji bude prikazan nakon što odaberete link za nastavak procesa registracije. Verifikacijski kod ima ograničeno trajanje, pa ukoliko potvrdu registracije zahtjeva ne izvršite u predviđenom vremenu, putem ekrana <https://moa.pravosudje.ba/hrmis-moa-web/unos-tokena/ponovi-verifikacijski-email> od sistema možete zahtijevati slanje novog verifikacijskog emaila što će sistem napraviti automatski po unosu prethodnog verifikacijskog koda.

Ukoliko verifikacijski email nikada niste dobili (na primjer, jer ste naveli pogrešnu email adresu, nemate pristup email adresi, Vaš email sandučić je bio pun) potrebno je da kontaktirate Odjel za imenovanje i napredovanje email porukom na vstv.imenovanja@pravosudje.ba, kako bi osoblje Odjela za imenovanje i napredovanje omogućilo da podnesete novi zahtjev za registraciju.

Korak 2 : Osoblje Odjela za imenovanje i napredovanje provodi provjeru podataka i odobravanje zahtjeva za registraciju korisničkog računa

Nakon što ste u verifikacijskom emailu potvrdili da želite nastaviti proces registracije osoblje Odjela za imenovanje i napredovanja provodi provjeru ostalih podataka navedenih u zahtjevu za registraciju.

Provjeru podataka evidentiranih u zahtjevu za registraciju i odobravanje zahtjeva za kreiranjem korisničkog računa osoblje Odjela za imenovanje i napredovanje provodi radnim danima u periodu od 8 do 16 sati.

Ukoliko je provjera uspješna osoblje Odjela za imenovanje i napredovanje vrši odobravanje zahtjeva i u tom trenutku sistem automatski generiše email koji Vam se prosljeđuje na istu email adresu koju ste naveli prilikom podnošenja zahtjeva. Ovaj email označen je kao aktivacijski email jer sadrži link putem kojeg u narednom koraku kreirate i aktivirate Vaš korisnički račun.

Korak 3 : Kreiranje korisničkog računa

Kreiranje korisničkog računa u osnovi predstavlja korak u kome postavljate korisničko ime (username) i šifru (password) koje ćete koristiti za prijavu na MOA sistem.

Kreiranje korisničkog računa možete izvršiti jedino slijedeći link sadržan u aktivacijskom emailu kojeg Vam je sistem proslijedio automatski u trenutku kada je osoblje Odjela za imenovanje i napredovanje izvršilo odobravanje zahtjeva za registraciju (pojašnjeno u prethodnom koraku). Slijedeći link kojim potvrđujete da želite aktivirati korisnički račun dobijate pristup ekranu na kojem postavljate korisničko ime i šifru vašeg korisničkog računa:

Unesite željeno korisničko ime i šifru

Korisničko ime

Korisnička šifra

Šifra mora imati sljedeća svojstva:

- dužinu: 8 do 20 (trenutno 0)
- velikih slova: 1 (trenutno 0)
- cifara: 1 (trenutno 0)
- specijalnih karaktera: 1 (trenutno 0)

Ponovite šifru

Token

POŠALJI

Korisničko ime ne može imati razmak u nazivu ili sadržavati slova č,ć,đ,ž,š. Osim toga prilikom kreiranja korisničkog računa potrebno je pratiti pravila u pogledu minimalne kompleksnosti šifre koja koja su prikazana na ekranu i vidljiva tokom popunjavanja.

Iz sigurnosnih razloga aktivacijski email sadrži i dodatni kod (token) koji ima ograničeno vremensko trajanje i kojeg iz emaila trebate prepisati na obrazac za kreiranje korisničkog računa.

Ukoliko ovaj kod (token) ne iskoristite u predviđenom vremenu neophodno je da kontaktirate Odjel za imenovanje i napredovanje email porukom na vstv.imenovanja@pravosudje.ba kako bi Vam osoblje Odjela za imenovanje i napredovanje moglo proslijediti novi aktivacijski email.

Korak 4 : Prijava na MOA sistem, kreiranje, popunjavanje i slanje prijave na konkurs

Nakon kreiranja korisničkog računa (pojašnjeno u prethodnom koraku) potrebno je da izvršite prijavu na MOA sistem putem linka <https://moa.pravosudje.ba/hrmis-moa-web/login> čime pristupate ekranu:

Prijavite se

Korisničko ime

Korisnička šifra

PRIJAVITE SE

Niste registrovani? Kreirajte račun
Zaboravili ste šifru?

Ukoliko ste korisničko ime i šifru upisali ispravno, iz sigurnosnih razloga, sistem će provesti dodatne provjere označene kao “dvofazna autentifikacija”. Mjere dvofazne autentifikacije su uključene na svakom korisničkom računu čim korisnički račun kreirate (objašnjeno u prethodnom koraku), tako će biti potrebno da akcije opisane u nastavku provodite prilikom svake prijave na MOA sistem sve dok su mjere dvofazne autentifikacije uključene vašem korisničkom računu.

Dvofazna autentifikacija znači da će svaki put prilikom prijave sa korisničkim imenom i šifrom sistem automatski generisati email (označen kao autentifikacijski email) i proslijediti ga na email adresu vezanu uz Vaš korisnički račun. Ukoliko niste mijenjali email adresu vašeg korisničkog računa to će biti ista email adresa koju ste upisali na zahtjevu za registraciju (pojašnjeno u koraku 1). Autentifikacijski email će sadržati link kojeg trebate slijediti i kod (token) kojeg trebate prepisati na novom ekranu koji će biti prikazan nakon pritiska na link.

Autentifikacijski kod (token) ima ograničeno trajanje i možete ga iskoristiti samo jednom, pa u slučaju da kod istekne ili je već iskorišten, potrebno je da se ponovo vratite na stranicu za prijavu na MOA sistem (<https://moa.pravosudje.ba/hrmis-moa-web/login>) i ponovo upišete korisničko ime i šifru, nakon čega će sistem generisati novi autentifikacijski email sa novim kodom.

Kada ste uspješno prijavljeni na sistem mjere dvofazne autentifikacije možete isključiti. U tom slučaju za pristup MOA sistem biće dovoljno upisati samo validno korisničko ime i šifru. S obzirom da dvofazni vid autentifikacije podrazumjeva i pristup vašoj email adresi preporuka je da dvofaznu autentifikaciju ostavite uključenom.

Kada ste prijavljeni na sistem, samo ukoliko postoje aktivni konkursi možete izvršiti prijavu na konkurs.

Također, kada ste prijavljeni na MOA sistem, neovisno o tome da li postoje aktivni konkursi imate pristup i drugim funkcionalnostima kao što su promjena šifre, promjena email adrese, isključivanje/uključivanje dvofazne autentifikacije, olakšan pristup rang listama i rezultatima testiranja.

Indikacija da ste prijavljeni na MOA sistem je ispis vašeg korisničkog imena u gornjem desnom uglu ekrana. U slučaju da određeno vrijeme niste aktivni iz sigurnosnih razloga sistem će izvršiti automatsku odjavu. Ukoliko se to dogodi moguće je da će neke od funkcija postati nedostupne ili ćete dobiti poruku "Nemate pravo pristupiti ovom resursu". U tom slučaju potrebno je da se ponovo prijavite na MOA sistem putem linka <https://moa.pravosudje.ba/hrmis-moa-web/login> .